

09 SEPTEMBRIE

RUGACIUNEA 1

SF.15 CUVIOSI DE LA GLINSK

Молитва

О, преподобнии и Богоноснии отцы наши Глинстии: Филарете, Василие, Феодоте, Макарие, Мартирие, Евфимие, Досифее, Илиодоре, Иннокентие, Архиппе, Луко, Иоанникие, Серафиме, святителю Серафиме, Серафиме другий и Андрониче!

Вы есте иночества цвет, Богомудрии старцы и учителя, печальницы и ведцы душ человеческих, врачеве искуснии недугов душевных и телесных, кормчии духовнии и отцы чадолюбивии! Вами пустынь Глинская хвалится и честными мощми вашими прославляется. Мы же, по слову апостола, яко наставников наших вас поминаем и со умилением сердца просим: будите нам руководители в Царствие Небесное; светом добродетелей, яко звезды небесныя на тверди Церковней, сияюще, укажите нам путь в горния обители. Помозите нам иго жизненного креста со упованием до конца пронести и в терпении души наша стяжати; юных послушанию научите, старцем мудрость духовную и

разсуждение даруйте, всем же — братолюбие и о Бозе любовь нелицемерную. Молитесь ко Господу, да возродит старчество и истинный дух монашеский во обителях земли нашея; да познаим, яко Царствие Божие внутри нас есть и прославим Бога в телесех наших и в душах наших, яже суть Божия; да совлечемся ветхаго человека со страстьми и похотьми, и да облечемся в новаго, обновляемого по образу Христа Бога нашего, Ему же слава, честь и поклонение подобает со Отцем и Святым Духом, ныне и присно, и во веки веков. **А**минь.